

Dia Internacional di Alimentacion Santa Rosa cu celebracion grandioso



ORANJESTAD - Dia 16 di october ta conoci mundialmente como Dia Internacional di Alimentacion (World Food Day), cual e aña aki ta hiba e tema "Sistemanan sostenibel di cuminda pa seguridad di cuminda y nutricion". Departamento di Agricultura, Cria y Pesca ta uni su mes na e celebracion di e dia tan importante aki unda cu lo dedica e siguiente grandioso Mercado di Santa Rosa na e Dia Internacional di Alimentacion.

Riba dia 27 di october Santa Rosa lo tene su Mercado unda cu mirando e tema lo enfoca mas cu nunca riba e benta di productonan produci localmente.

Ta auto sostenibel cu cuminda ta forma parti esencial di e plan di manejo di Departamento di Agricultura, Cria y Pesca unda cu ta enfoca riba e importancia di produci localmente.

Un di e metanan mayor di Santa Rosa ta pa Aruba por depende primordialmente riba productonan local pa alimenta nos pueblo.

E meta aki por wordo logra solamente si comunidad completo uni y hunto sigui engrandeci y sostene e ofishii di Agricultura. Mundialmente e problematica di segura y cambio di clima dramático ta afectando cosechanan den forma malo, un problema cu tambe por wordo mira diariamente na Aruba. Pa combati e problematica aki Santa Rosa ta trahando intensivamente riba diferente proyectonan di sostenibel pa duna sosten na e Agricultur y Criadonan local.

E proyecto di RWZI, proyectonan di mantencion di damnan

rond di Aruba y como tambe e proyecto di renobacion di diferente posnan rond di Aruba lo aporta na e sector primario.

Pa prome biaha Agricultura rond di mundo no ta wordo solamente mansa pa naturalesa sino tambe pa materialnan construi dor di e ser humano manera ta e caso di insecticida cu ta afecta produccionnan rond di mundo y tambe ta mata e abehanan cu ta asina importante pa

plama e simianan.

Un otro menasa na nos alimentonan ta e produccion di productonan geneticamente modifica cu ta cambiando e DNA di varios fruta y berdura den



exterior.

Mirando tur e peligman aki Santa Rosa ta urgi pueblo completo pa adopta e amor pa e ofishii di Agricultura y Horticultura y asina evita cu den un futuro

cercano nos isla lo sufrí consecuencias negativas manera ta un subida drastico den prijsnan di alimentonan importa.

Santa Rosa ta invita tur Cumukero cu kier bende nan

productonan riba dia 27 di october durante e grandioso Mercado di Santa Rosa dedica na e Dia Internacional di Alimentacion pa tuma contacto cu Eissia Esser na 585 8102. □

